


# **Vischnaunca da Medel/Lucmagn**



**Ordinaziun da taxas per ils fatgs da santeri e  
sepultura per la vischnaunca da  
Medel/Lucmagn**



Sebasond sin artechel 9 dalla lescha da sepultura e da santeri per la vischnaunca da Medel relai la suprastonza communal a questa ordinaziun da taxas.

## **Art. 1 Taxas da satrar**

Per cuvierer ils cuosts incassescha la vischnaunca las suandontas taxas:

- a) Per persunas domiciliadas en vischnaunca:
  - per la sepultura d'ina bara en vischi fr. 500.00
  - per la sepultura d'ina urna en ina nischa d'urnas fr. 500.00
  - per la sepultura d'ina urna en ina fossa en retscha fr. 500.00
  - per la sepultura d'ina urna en ina fossa cun ina bara ni urna fr. 250.00
  
  - per la sepultura d'ina urna en la fossa communabla, incl. inscripziun dil num dil defunct silla tabla dalla fossa communabla, incl. manteniment duront il temps da ruaus fr. 500.00
  
- b) Per tut quels ch'ein morts sin territori dalla vischnaunca, per burgheis da Medel che habiteschan ordeifer e per tals che veggan satrai cun lubientscha speciala dalla suprastonza communal:
  - per la sepultura d'ina bara en vischi fr. 1'000.00
  - per la sepultura d'ina urna en ina nischa d'urnas fr. 1'000.00
  - per la sepultura d'ina urna en ina fossa en retscha fr. 1'000.00
  - per la sepultura d'ina urna en ina fossa cun ina bara ni urna fr. 500.00
  
  - per la sepultura d'ina urna en la fossa communabla, incl. inscripziun dil num dil defunct silla tabla dalla fossa communabla, incl. manteniment duront il temps da ruaus fr. 1'000.00

## **Art. 2 Taxa pil manteniment dalla fossa**

Tenor art. 19 dalla lescha da santeri sa il manteniment dalla fossa veggir surdaus alla vischnaunca. La vischnaunca incassescha per gl'entir temps da ruaus (min. 20 onns):  
a) per ina fossa d'ina bara en vischi fr. 6'000.00 (fr. 300.00/onn)  
b) per ina fossa cun urna fr. 4'000.00 (fr. 200.00/onn)

Aschinavon ch'il manteniment vegg surdaus per in pli cuort temps, sereducescha la taxa corrispudentamein.

## **Art. 3 Vigur**

Questa ordinaziun da taxas passa en vigur cun l'approbaziun dalla lescha da sepultura e da santeri per la vischnaunca da Medel/Lucmagn.

Approbada dalla suprastonza communal a caschun dalla seduta dils 4 da fenadur 2023.

Il president communal:

Claudio Simonet

Il canzlist communal:

Valentin Pally